

SOLEGV M ROMA=
NARVM ACCOMMODA=
ta ad literarum ordinem
enumeratio.

A



CILIA Minutia de pace Carthaginiensium. Tulere M. Acilius, & Qu. Minutius Tribuni pleb. Cornelio, Aelio COSS. Anno ab urbe condita DLII. Vellentne iuberentne senatum decernere, ut cum Carthaginiensibus pax fieret? & quem eam pacem dare, quemq; ex Africa exercitus deportare iuberent? De pace, uti rogas, omnes tribus iusserunt: pacem dare, P. Scipionem, eundem exercitus deportare. Liuius lib. 30.

Acilia de colonijs deducendis. Tulit C. Acilius Tribunus pleb. Cornelio, Minutio COSS. Anno ab V. C. DLVI. Vt quinque colonie in ora maritimam deducerentur: duae ad hostia fluminum Vulturni, Literaniq;: una Puteolos, una ad Castrum Salerni. his Buxentum adiectum: tricentae familiae in singulas familias iubebantur mitti. Liuius lib. 32.

Acilia repetundarum. Tulit M. Acilius Glabrio. Vt repetundarum causa una actione absolueretur. id est, ut neq; reum comperendinari, neq; causam ampliariliceret. Cic. Verr. 2. & 3. et in secundam Asconius.

4

Aebutia